



# MATOU TE MO'OMIA SO OUTOU FINAGALO I LE PAKETI FA'A-LE-TAUSAGA MA LE LUMANA'I O LE VAI A AUKILANI

PEPA FA'ATUMU O LE AOTELEGA

I le tausaga ua mavae, sa matou tapa ai so outou finagalo e uiga i le matou Paketi o le 10 tausaga mai le 2018-2028, le Fuafuaga Fa'ata'atia mamao lea. I lenei tausaga ua matou mana'omia ai so outou finagalo e fesoasoani ai ia i matou e atina'e le matou Paketi Faa-le-Tausaga mo le 2019/2020, le tausaga lona lua o le fuafuaga fa'ata'atia. O le matou pepa o feso'ota'iga fa'asalalau ua aofia ai suiga taufa'aofi o lo'o i lalo:

## Matā'upu tau I le fuaina o pili o fanua ma auaunaga (Rates)

### Suiga i le fuaina o pili o fanua ma auaunaga mo fanua ua fa'aaogaina fa'alelotu

O ele'ele e fa'aaogaina mo tapua'iga fa'alelotu, a'oa'oga fa'alelotu, po'o se fanua tanu ua sa'oloto mai le totagiina o pili o fanua, se'i vagana ai auaunaga mo le fa'atonutonuina o otatota i vaega o lo'o fa'aaogaina ai. Mo le fa'atāuina o le aogā o auaunaga ua saunia e fa'alapotopotoga faalelotu mo le tatou komiuniti, o lea matou te fa'atūina atu ai e leai ni pili o fanua ma auaunaga e totagiina e fa'alapotopotoga faa-le-lotu mo nisi o a latou ele'ele o lo'o latou umia ma totagiina ai nei pili. Mo se fa'ata'ita'iga, o fale talimalo (halls) ma fale ta'alo (gymnasiums) e fa'aaoga mo fa'amoemoega e leai ni polofiti e maua ai ma aoga mo le komiuniti.

O ele'ele sa fa'aaoga mo fa'amoemoega tau pisinsi e pei o pakaga (car parks), fale koleni (gyms), faleaiga kofe (cafes), ma faleoloa o oloa tuai (op shops) o lo'o fa'atautaia fa'apisinisi, o le a fa'aauauina pea lo latou fuaina o se pisinisi.

### Se toe fa'aopoopoga i le tau fa'avae fa'atulagaina o auaunaga mo le fa'atonutonuina o otatota

O tau mo le sauniga o auaunaga mo le fa'atonutonuina o otatota ua toe fa'aopoopo. Matou te fa'atūina atu se fa'aopoopoga e \$20.67 i le tau fa'avae fa'atulagaina o auaunaga mo le fa'atonutonuina o otatota e o'o atu i le \$121.06 i le tausaga (ma se fa'aopoopoga e 40sene i le vaiaso) e toe fa'aola ai tau fa'aopoopo.

### Fa'alautelega o le tau fa'atulagaina mo le aoina o lapisi mea'ai i fanua sa fai ma fa'ata'ita'iga i North Shore

I le 2014 na amataina ai se faata'ita'iga o se auaunaga fai fua o le aoina o lapisi mea'ai mai le 2000 fanua i le itulagi i North Shore. I le tausaga talu ai na amatalia ai le auaunaga o le aoina o lapisi mea'ai i le itulagi i Papakura ma totagiina i se tau fa'atulagaina. Ina ia mautinoa e tutusa uma le tausiga o nei itulagi e lua, matou te fa'atūina atu ai le amatalia o se tau fa'atulagaina mo le aoina o lapisi mea'ai mai le \$68.34 mo le 2000 fanua i North Shore lea na faia ai le fa'ata'ita'iga. O le auaunaga mo lapisi mea'ai o le a amata ona fa'asavali i itulagi o loo totoe mai le 2020/2021.

## Amata ona taofia auaunaga mo paipa fa'ata'atitia mo timuga ma otaota i nofoaga mao tua o le a'ai i Waitākere ma ona tau fa'atulagaina

Matou te fa'atuina atu le amatalia o le taofiga o auaunaga o le pamuina i fafo o otaota vale mai tane o fale ma o latou tau fa'atulagaina i nofoaga mao tua o le a'ai i Waitākere, mo fanua o lo'o mauaina lenei auaunaga i le taimi nei. O lenei auaunaga e lē o ausia mana'oga o le fa'aleleia atili o le lelei o le vai talu ai o le tele o isi mea e mana'omia e fa'alelei mo tane o otaota vale o fale e lē fa'aalia mai e le auaunaga e pamua nei tane. I lona tulaga o le a matou amatalia ai se polokalame e tausia e le itulagi atoa mo ta'iala i le puleaina o vai maumau i luga o fanua.

## Fetu'una'iga o itulagi e fuaina mo fanua ma auaunaga i taulaga

O Aukilani ua olaola ma o le i'uga o lea ua amataina atiina'e i itulagi sa tā'ua o nu'u i tua. Ua matou maitāuina le 400 fanua i le ono itulagi o lea ua amataina ai le atiina'eina o taulaga, i tafatafa o le itulagi o lea taulaga, lea e fua i le taimi nei pili o fanua ma auaunaga. O fanua o nu'u i tua e totofia le 90 pasene o pili o fanua ma auaunaga e tu'uina atu mo fanua i taulaga. Matou te fa'atuina atu le fetu'una'iga o le nofoaga i taulaga e totofia fanua ma auaunaga ina ia aofia ai lenei 400 o fanua talu ai e tutusa lelei auaunaga latou te maua ma o latou tua'oi o lea e tatau ai ona latou totogiina le tau fa'atulagaina lava lea e tasi.

## Pili Totogi ma Tau

### Fa'aopoopo tau o nisi o pili ina ia fa'aauauina pea le toe fa'aolaina o tupe alu

Matou te fa'atuina atu le toe fa'aopoopoina o totogi mo pili fa'atonutonu (resource consent, building control, mooring fees ma le animal management). O le tau mo le sauniga o nei auaunaga ua saosaoa atu lona alu i luga nai lo o le tau o le soifuaga, ma o tau e tatau foi ona alu i luga ina ia mautinoa ai o le fa'aauauina pea o nei auaunaga ia fa'atupeina e i latou e fa'aaogaina ae le o le fesoasoani iai o le au totogi fanua ma auaunaga.

## Lumana'i O Vai A Aukilani

O lo'o matou va'ava'ai fo'i i le lumana'i o vai a Aukilani i fafo atu o le Paketi Fa'a-le-tausaga.

O le vai o se puna'oa e pito sili lona taua, ma e tatau ona tatou tausia lelei. O lo'o atina'eina e le Pulega Aukilani ta'iala o le vai mo Tāmaki Makaurau / Aukilani e fesoasoani i le fo'ia ai o nisi o fa'afitauli i totonu o le tatou itumalo.

O ta'iala o le vai o le a fa'asinoina le faiga o le a tatou:

- Tausia ai a tatou vai fa'alenua – alia, vaitafe, vai tuloto ma uafu.
- Fa'amalieina pea o mana'oga i vai i aso ta'itasi a o tuputupu pea le aofa'iga o tatou tagata.
- Tausia lelei a tatou vai a o puleaina le olaola o le tamaoaiga ma atiina'e.
- Sauniuni mo a'afiaga o le suiga o le tau.

Matou te mana'omia lau fa'asoa mai ma sou manatu e fesoasoani ai i a'i matou i le atiina'eina o se ta'iala mo vai ma fai se matou fuafuaga fa'ata'atia e tali atu ai i fa'afitauli tau i le vai i tausaga o le a sau.

Matou te mana'omia sou finagalo i mea e pei:

- O le a le mea e sili ona e fa'atauaina e uiga i le vai.
- O a ou popolega e uiga i fa'afitauli i tatou vai.
- O le a le mea e pito sili ona taua e te manatu e tatau ona tatou faia mo le lumana'i o vai a Aukilani.

O lou finagalo fa'aalia o le a fesoasoani ia i matou i le faiga o fa'ai'uga e uiga i vai a Tāmaki Makaurau.

Fa'aali sou finagalo mai le aso 17 Fepuari e o'o atu i le aso 17 Mati 2019.

Taga'i i le [akhaveyoursay.nz](http://akhaveyoursay.nz) mo nisi fa'amatalaga.